

DISSERTATIO CHEMICA
DE
NATURA METALLORUM

CUJUS

PARTEM PRIOREM

CONS. AMPLISS. FACULT. PHIL. ABOENS.

PRÆSIDE

Mag. JOHANNE GADOLIN,

DESIGN. CHEMIAE PROFESSORE REGI ET ORD. REGG. ACADD.
ET SOCIETT. SCIENT. DUBLINENSIS, HOLMENSIS ET UPSA-
LIENSIS MEMBRO,

PRO GRADU,

PUBLICO EXAMINI SUBJICIT

ISRAEL UNONIUS

WIBURGENSIS

IN AUDIT. MAJ. DIE XIX. JUNII MDCCXLII,

HORIS A. M. SOLITIS.

ABOÆ, Typis FRENCKELLIANIS.

DE

NATURA METALLORUM

PARS PRIOR.

§. I.

Veterum de Metallis opiniones.^{a)}

HISTORIA abunde testatur, primævos terrarum incolas metallam novisse, atque ad varijs usus aptare scivisse; immo antiquissimas quoque gentes, cognitis metallorum proprietatibus, eadem, uti alias quoque res admiratione dignas, vel inter Deos retulisse, vel mutuatis Deorum rerum cælestium nominibus appellavisse. Itaque cum septem innotescerent metalla, & totidem sidera præ ceteris fulgentia in cælo consiperentur, sacras easdem denominationes utraque fortita sunt. Inde evenisse videtur, quod tempore Alchymistarum, sive ævo, cui non immerito cognomen Barbari additur, ubi in superstitione antiquitatis admiratione summa ponebatur eruditio, tantus esse tamque perpetuus siderum in singula corpora terrestria influxus crederetur, ut metalli etiam cujusvis & generatio & natura quam maxime a planeta cognomini dependenteret. Sed non est quod obscuri ævi commenta moremur, quæ nullam præ se ferunt veritatis speciem. Eas potius breviter commemorabimus hypotheses de metallorum natura, quas, renascentibus seculo præterlapso litteris, experimentis & observationibus tam propriis quam prædecessorum innixi, sibi adoptarunt vel formaverunt cultores Chemicæ celebres. Hi plurimas corporum proprietates, ubi alia non exstabat in-

A

ter-

*a) Dissertatio chemica de
Natura metallorum. Abvo
ut 800 X 277*

terpretandi via, derivandas esse putaverunt ex natura *principiorum chemicorum*, sive substantiarum longe simpliciorum, quæ solitariæ sensibus nunquam obveniant, in materia vero sensibili abundantes suam prodant indolem. Metalla itaque, quod & maximam cognitionem cum corporibus inflammabilibus habere viderentur, & omnia igne liqueficerent, e duobus principiis generatim composita esse censuerunt, *sulphure nemptu elementari*, in quo caussa omnis inflammabilitatis sita esset, atque *Mercurio*, quem cognomine *philosophici* a mercurio vulgari s. hydrargyro distinxerunt, a quo omnium corporum fluiditas originem duceret. Quia vero hæ substantiae nullibi nudæ prosliterunt, mirum non est, de naturâ earundem explicanda inter se dissensisse Chemicos. Maximam quidem in *mercurio* cognoscendo curam adhibuerunt, eo scilicet tempore adhuc in metallis producendis atque transmutandis affidue laborantes. Hujus ope omnia corpora in metalla converti posse ut plurimum putaverunt: in hoc quoque cauissam malleabilitatis, aliarumque, quibus eminent metalla, proprietatum latere, nemini dubium fuit. Alii itaque mercurium ut ponderosissimam materiam consideraverunt, alii ut fluidissimam, mobilissimam, immo maxime elasticam & volatilem, alii alias, nescio quas, miras ipsi adjudicarunt proprietates, quæ etiam si fibi mutuo contrariae viderentur, in uno tamen hocce corpore inveniri a multis credebantur. Immo acutissimus J. J. BECCHERUS, cuius infatigabili industriæ & affidue Naturæ contemplationi acceptos retalerunt posteriores Chemici festinatos scientiæ progressus, obscuritatis notam vitare non potuit.

potuit. Tandem vero illostris inter Chemicos G. E. STAHLIUS, eo semper adnarrandas, quod primus altissime mentibus Chemicorum infixam alchymisticam stultitiam frenaverit (°), & solida posuerit Scientiae fundamenta, cum peripiceret, analysin metallorum longe difficilioris esse indaginis, quam ut vel solertissima ingenia eandem adhuc assequi possent, in iis potissimum phænomenis metallorum producendis perveitigandisque egregio studio occupatus fuit, quibus cogerentur mentes suas indagatoris sensibus offerre. Hic itaque cum cognovisset, metalla cum corporibus inflammabilibus apprime convenire, & inflammabilem naturam, que varia ratione omnibus adimi possit, ex uno metallo in alterum, e corporibus non metallicis ad metallica, & ex his itidem ad alia non grato transferri, pro evicto habuit, omnem inflammabilitatem substantie cuidam subtilissime, quam *phlogiston* appellavit, tribuendam esse. Phlogiston propterea in omnibus metallis late re statuit; metalla vero priuata componi ex partibus crassioris naturæ, que, exento phlogisto, sub terrea forma comparent, ipsæ tamen qua compositionem ignotæ sint.

Adeo posterioribus Chemicis placuit & ordo, quem in phænomenis examinandis adhibuit STAHLIUS, & solertia in experimentis instituendis, & tagacitas atque prudentia in iisdem examinandis, conclusionibusque desumendis, ut omnes theoriam ejus adoptarent atque defendenter, licet de forma

(°) *Opusc. Chymico Physico Medicum.*

ipius phlogisti nonnihil interdum variaverint opiniones. Recentissimis vero annis, novorum inventorum feracissimis, de reformata jam magna scientiae chemice parte multi gloriantur, plures porro eandem reformatam urgent, atque, quam modo laudavimus, deferendam esse de phlogisto doctrinam, utpote non tantum non omnibus phænomenis corporum inflammabilium explicandis sufficientem, sed proorsus etiam inutiliem. Usque adeo quoque per phænomena antea improvisa increvit cognitio Metallorum, ut novam eorum theoria obtinerit faciem, neque tamen eandem omnibus æque commendabilem. Nos vero, & propriæ exercitationis, & Tuæ, C. L. si prospere cesserint conatus, commoditatis gratia, hanc Chemicæ partem disquisendam suscipientes, eam nobis petimus veniam, ut, missis hypothesibus aliorum, sive nondum stabilitatis opinionibus, phænomena tantum, quæ nemini dubia esse speramus, enumeremus, & conclusiones sponte quasi ex illis resultantes deducamus.

§. II.

Characteres Metallorum Externi.

Malleabilitatem in præcipuis *metallorum* criteriis posuerunt antiquiores Chemici, & propterea corpora posterius detecta, quæ, præterquam quod malleo non cederent omnibus metallorum proprietatibus gaudere videbantur, nomine *semimetallorum* distinxerunt. Recentiores vero hanc distinctiōnem negligendam esse putaverunt, tum quia nota Malleabilitatis

tis valde interdum sit incerta, tum quia diversitates longe majoris momenti etiam inter malleabilia metalla obtineant. Itaque nos etiam per *metalla* generatim intelligimus corpora inflammabilia, omnium densissima, opacissima & nitidissima, quæ in frigore solida sunt, in sufficiente vero ignis gradu liquefcunt, tandemque evaporant.

Inflammabilia non ea tantum dicuntur, quæ accensa flamمام concipiunt, sed etiam, quæ sine flamma ignem sibi communicatum alere valent. Metallorum plurima vivida flamma ardent, ubi in aëre libero sufficienter fuerint calefacta. Et licet pauca eorundem, ab omni inquinamento peregrino depurata, nonnisi perobscura vel dubia edant inflammationis signa, nullum tamen est, quod non cum aliis metallis coniunctum, & ipsum igni alendo inserviat. Propterea non immerito omnia in classem corporum inflammabilium adnumerantur.

Densitate adeo præcellunt metalla, ut cum omnium reliquorum corporum nullum fere aquam voluminis æqualis quartus pondere superet, metallorum vel levissimum plusquam sexies aqua ponderosius sit. A densa partium compage etiam derivanda esse videtur *opacitas* & peculiaris *nitor*, quo conspicua sunt metalla.

Admodum quidem inæqualibus ignis gradibus liquefcunt diversa metalla; omnia tamen corpora, quæ ad formam metallicam suscipiendam cogi potuerunt in vehementi saltem igne, non modo liquida fieri sed in vapores etiam elasticos resolvi, deprehensa sunt. Quo vero charakte-

res jam memorati clarius patescant, singula meta ita, subjunctis brevibus descriptionibus, enumerabimus; reliquas deinceps proprietates generatim exposituri.

I. PLATINUM omnium metallorum densissimum est, & gravitatem specificam habet $\approx 20 - 24$; posita gravitate specifica aquæ ≈ 1 . Colore nitet argenteo. Malleo facile obedit, & egregie extenditur. Firmitate Cupro cedit (^o), duritie vero & elasticitate superat. Difficillime, & vix quidem in focis maximorum vitrorum causticorum liqueficit; in igne vero, ope aëris vitalis purissimi ad summum gradum auēto, funditur, evaporat, & obscura interdum exhibit uisionis signa.

II. AURUM (antiquis *Sol* appellatum) cognoscitur ex graviate specifica $\approx 19, 5 - 19, 6$, & Colore nitidissimo flavo. Malleabile est & præ omnibus metallis maxime extensible. Firmitate Argento secundum. Duritie & elasticitate Stanum superat. Cupro facilius liqueficit, in igne videlicet 700 circiter gradum thermometri Celsiani. Liquefactum colore viridi conspicitur; refrigeratum pristina fulget facie. In focis arden-

(^o) Firmitates diverorum metallorum, seu vires, quas in fila dattre crassitie deducta sustinent, antequam ruinpantur, non æqualiter ab omnibus Phyficiis æstimatas esse invenimus. Nos auctoritatem securi sumus Generosissimi Comitis VON SICKINGEN, qui, in opere *de Platino*, sua descripsit experimenta, atque cautiones quibus omnes errores vitare studuit.

ardentissimis totum evaporat, & exigua interdum prodit combustionis signa.

III. HYDRARGYRUM (*i. Mercurius*) liquidum gaudet gravitate specifica $\approx 13, 6 \dots 14, 1$, & colore argenteo parum obscuriore. Solidum malleo obedit. Soliditatem acquirit in temperatura — 40 graduum. In calore 350 graduum ebullit & evaporat. Officit volatilitas, quominus flamma ardeat. Lentiori tamen igni & aëri expositum successu temporis comburitur.

IV. PLUMBUM (*i. Saturnus*). Grav. spec. $\approx 11, 4 \dots 11, 5$. Colorem habet cœrulecentem. Nitorem in aëre perdit. Malleabile & mollissimum est. Firmitate & elasticitate omnibus metallis inferius. In gradu ignis 300:mo liquefit. In superioribus gradibus fumos eructat & partim evaporat, partim comburitur. In vehementissimo igne, flamma alba cœrulecente ardet.

V. ARGENTUM (*i. Luna*). Grav. spec. $\approx 10, 5 \dots 10, 6$. Candidissimum metallum. Malleabilitate & ductilitate Auro proximum: Firmitate Platino: Duritie & elasticitate Cupro. Liquefit in igne 540 graduum. In vehementissimo ebullit & evaporat, absque flammæ vestigio sensibili.

VI. BISMUTHUM. Grav. spec. $\approx 9, 7 \dots 9, 8$. Colore gaudet fere argenteo, nonnihil flavente. Fragile; parum sonorum. Liquefit in 250:mo ignis gradu: in superiore tem-
pera-

peratura sumat, evaporat & comburitur. Vehementissimo igne expositum cum lucida flamma ardet.

VII. CUPRUM (*s. Venus*). Grav. spec. ≈ 7, 8 - - 9, 5. Rubrum metallum. In aëre obscuratur, & nitorem paullatim perdit. Ferro malleabilius: Platino firmius, sed minus durum & elasticum. In igne coloribus iridis primum ornatur: in temperatura 790 graduum funditur. Fusum in superiore igne evaporat, & flamma viridi ardet.

VIII. NICCOLUM. Grav. spec. ≈ 7, 8 - - 9, 0. Flavum rubens est. Malleo parum cedit, frangitur. In igne difficile funditur; facilius vero comburitur.

IX. ARSENICUM. Grav. spec. ≈ 8, 3. Coloris est plumbi, qui in aëre nigrescit, pereunte nitore. Fragile, sonorum & Cupro durius. In igne 400 graduum liqueficit. Flamma ardet cærulescente, a spisis fumis obscurata, & Allium simul olet.

X. FERRUM (*s. Mars*). Grav. spec. ≈ 7, 6 - - 8, 0. Subcærulescens. Malleabilitate Cupro inferius. Firmitate & elasticitate omnia Metalla vincit. Superficies calefacta iridis coloribus variegatur. In temperatura 870 graduum funditur. In foco vehementioris ignis flammam exhibet, frequentesque evomit scintillas igneas.

XI. COBALTUM. Grav. spec. 7, 5 - - 7, 8. Chalybem colore & fractura refert. Nitorem in aëre perdit. Duritie gaudet

gaudet Antimonii. Fragile est. Liqueficit in eodem fere ignis gradu ac Cuprum. In vehementissimo igne evaporat & inflammatur. Flamma cærulea est vel amethystina, igneis scintillulis conserua.

XII. STANNUM (*s. Jupiter*). Grav. spec. = 7, 1 - - 7, 3. Colorem habet album argentei æmulum, in aëre parum mutabilem. Plumbo malleabilius, tenacius & durius. In 210 mo ignis gradu liqueficit, in vehementiore fumos & flamam viridem emittit.

XIII. ZINCUM. Grav. spec. = 6, 9 - - 7, 2. Coloris est albi cærulecentis. Malleo nonnihil cedit, antequam frangitur. Cupro durius. In ignis gradu 370 mo liqueficit, deinde evaporat. Ignitum 'acile flamam concipit, variis coloribus pulcherrime lucentem.

XIV. MAGNESIUM. Grav. spec. = 6, 8 - - 7, 5. Colore griseo. Fragillum. Ferro durius. In igne difficillime liqueficit. In foco vehementissimi ignis inflammatur.

XV. ANTIMONIUM. Grav. spec. = 6, 7 - - 6, 9. Stanniæ tere coloris. Fragilium læpius, interdum malleo parum cedit. Liqueficit in igne 450 graduum. in tortiore evaporat, tandemque accenditur & flamma albida ardet.

Præter hæc jampridem cognita, nuper alia detecta sunt corpora, quorum proprietates, novas prodere videntur in talium species. Haec sunt:

WOLFRAMIUM, aliis *Tungstenum*, aliis *Scheelium* appellatum, cuius primam descriptionem dedit Celeberr. d'ELHYAR, eidemque gravitatem specificam = 17, 6 assignavit. Celeberr. vero RUPRECHT aliique idem nonnisi 6, 8 iis aquam superare perhibent. Colore prostat obscure fusco, fere chalybeo. Frangillum est, & in igne difficillime liqueficit: facile vero comburitur.

MOLYBDENUM, a Clariss: HJELM diligenter examinatum. Aquam circiter 7ies pondere superat. Griseum est, durum & fragile, difficillimeque liqueficit.

URANIUM a Celeberr. Klaproth detectum. Grav. spec. = 6, 4. Colore rubente. Cohærentia laxiore. In igne vix liqueficit.

Characteres, quos adduximus, metallorum externi interdum plus minusve variabiles sunt. Sic gravitas specifica metalli malleo compasti major est gravitate ejusdem metalli post fusionem tantum refrigerati: & quo citius refrigerescit metallum calefactum, eo minorem obtinet & densitatem & tenacitatem. Metalla ductilia dum prope punctum liquefientiae calefacta sunt, fragilia esse solent. Et sic porro,

§. III.

Metalla secum invicem misceri possunt.

Si varietatem consideramus corporum, quibus metalla vel naturaliter immixta esse reperiuntur, vel quibuscum artis

ope

ope conjunguntur; nullum sere adeo metallis inimicum esse videtur, quin arcto vinculo cum iisdem sociari possit. Si vero simul formam respiciamus, quam in corpore composite habent metallia, nonnisi paucas invenimus substantias, quibuscum, salva sua indole metallica, colligantur & intime miscentur. Harum itaque cum metallis connubia breviter percepsemus, antequam ad mutationem formæ metallicæ examinandam progradimur,

Dudum innotuit, plara metalla liquefacta & commixta in unum coire corpus homogeneum, nitore ceterisque proprietatis metalli præditum, quod *compositionem metallicam* vulgo nominant: & quamvis non omnia metalla cum omnibus etiuncunq; coaleant, nullum tamen esse, quod non cum multis conficiari possit. Observatum insuper est:

1:o Nonnulla metalla in omni proportione facile conjungi. Sic metallum temper homogeneum producitur ex confusis Auro, Argento, Cupro &c. quacunque tantum singula quantitate. Alia vero non ultra duas proportiones combinari. Sic Ferrum & Stannum, pro diversa proportione vel unum vel duos reddunt regulos Scilicet in unum coalescant, si aut Ferri pondus non superat vigesimam secundam partem ponderis Stanni, aut si Stannum dimidiam Ferri quantitatem non excedit. Alias vero duarum metalarum altera Stannum continet vigesima secunda Ferri parte saturatam, alera Ferrum dimidia vel minore Stanni portione junctum. Et alia vix

coire, saltem nonnisi quantitate admodum exigua in se invicem penetrare. Ex. gr. Plumbum cum Ferro fusum; Argentum cum Cobalto; Bismuthum cum Zinco, &c.

2o Malleabilitatem & duritatem metalli compositi sacerdissime ab ludere a conditionibus singulorum componentium metallorum. Sic duo metalla, quae admodum diversis ignis gradibus liquefcunt, compositum fistere solent utroque durius & fragilior. Ex. gr. Fragillima sunt metalla, quae ex mixtura Stannii cum Auro, Cupro &c. prodeunt. Variat tamen indoles metalli mixti pro diversis singulorum quantitatibus, adeo ut metallum ex duobus datis metallis compositum interdum valde fragile, interdum utroque tenacius & ductilius evadat. Ex. gr. quod ex Cupro & Zinco, certa proportione conjunctis, oritur, Aurichalci nomine notum egregie malleo cedit. Si vero gradus ignis, quo liquefcunt duo metalla, non multum distant, adeo variare videtur habitus, quem conjuncta induunt, ut regula generali definiri non possit. Interdum enim fragile metallum ex duobus ductilibus producitur, interdum ex fragilibus composita oriuntur, quae malleo tractari haud recusant.

3o Denitatem metalli compositi generatim quidem medium esse inter densitates singulorum simplicium, raro autem adeo exacte cum his convenire, ut ex cognitis gravitatibus specificis atque proportione miscendorum, per regulas hydrostaticas eodem calculo inveniri possit gravitas specifica mixti, ac si mechanice sibi mutuo adjuncta fuissent metalla. Sacerdi-

me gravitas specifica aut major aut minor est illa, quam computatio indicet, immo eo usque nonnunquam abludit, ut metallum compositum densitate superet densissimum eorum ex quibus coaluit. Sic secundum experimenta Celeberr. GELLERT, qui in hisce phænomenis indagandis egregiam operam collocavit (*), amalgama Argenti, Hydrargyro puro injectum, fundum vasis mox pevit. Quia in omni solutione chemica, quantum hucusque experiri licuit, diminutio voluminis per mutuam corporum penetrationem evenit, dubitari vix potest, quin metalla etiam liquefacta, cum intime mixta fuerint, minus occupent spatium quam antea. Itaque quod metallum compositum interdum magis expansum invenitur, quam per partes ante conjunctionem fuerat, ex mutata per congelationem structura interna derivandum esse videtur. Notum enim est, simpliciora quoque corpora, congelatione intumescere.

4:o Magis liquabile esse metallum compositum, quam metalla componentia, h. e. minorem caloris gradum liquefactioni metalli compositi sufficere, quam qui ex cognitis gradibus, quibus singula metalla seorsim liquefcunt, præsumi queat. Artifices quidem, in ferruminibus metallorum parandis exercitati, dudum neverunt metallum ex duobus simplicibus conflatum utroque non raro liquabilius esse: has vero proprietates experimentis accuratissimis atque calculo subducto cum investigaret summus NEWTONUS, invenit plura metalla facilime li-

quescere, ubi in data proportione mixta sint, atque difficilius igni semper cedere metallum compositum, utcumque haec propria mutetur, sive augeatur quantitas ejus metalli, quod seorsim facilis funditur, sive ejus, quod majorem ignis gradum sustinet (*).

§. IV.

Metalla cum Sulphuribus sociari possunt.

Neminem fugit *Sulphur* propriè sic dictum, pl. risque metallis natura adnatum atque intime in mixtum esse; atque arte etiam cum omnibus sere combinari posse. Hancinum quidem, Aurum atque Zincum, si fatis pura sint, directe cum sulphure non coēunt, neque tamen hujus connubium recusant, si additum fuerit aliud metallum & ipsis & sulphuri amicum. Sic ex. gr. ex *Auro*, *Ferro* & *Sulphure* componitur corpus homogeneum.

In hisce compositis color metalli ut plurimum variat; nitor vero quodammodo servatur. Gravitas specifica parum discrepat a gravitate metallis propria; & malleabilitas quoque interdum metallis sulphure mineralisatis competit. Metalla quæ vehementiore mignem sustinent antequam liquefcunt, ut Ferium, Cuprum &c. per sulphuris connubium liquabiliora sunt, quæ vero solitaria facile liquefcunt, ut Stannum, Plumbum &c. si sulphuri uniantur, magis refractaria evadunt. Raffissime

(*) *Philosopb. Fransæt.* 1701.

rissime quidem sulphur, solius ignis ope, totum quantum e conubio metalli extricari potest, saepius vero metallum cum sulphure sociatum simul in vapores resolvitur. Quamvis itaque fortiter a plurimis metallis attrahatur sulphur, distinctis tamen gradibus differre attractiones diverorum metallorum, ex mutua eorundem præcipitatione fatis appareat. Sic Arsenicum e sulphure separatur addito Cupro, quod majore vi sulphuris societatem appetit. Similiter addito Antimonio extricatur Hydrargyrum, illud Bismutho, hoc denique Argento. Sic quoque Argentum, Plumbum, Stannum, Cuprum ordine se mutuo excipiunt; & Ferrum quod sulphuri maxime amicum esse videtur, omnia fere alia metalla sulphuris vinculis liberare valet,

Reliqua etiam corpora inflammabilia, quibus itidem nomen Sulphuris, sensu latiore, tributum est, quia' per combustionem in corpora acida mutantur, qualia sunt *Phosphorus* & *Carbo*, cum metallis conjungi possunt: etiam si nimia phosphori inflammabilitas & volatilitas, atque refractaria carbonum indeoles qua igni resistunt, difficilem faciant cum metallis combinationem. Nihilominus tamen jam ab HOMBERGIO memoratum invenimus, quod *phosphorus* ab Hydrargo suscipiatur, & speciem amalgamatis præbeat (°). Etiam illustris MARGRAFF detexit plura metalla, & Zincum præcipue cum phosphoro sociari posse (**) Immo a recentioribus Chemicis, & maxi-

(*) *Mem de l Acad de Paris.* 1692.
 (**) *Chymischer Schriften I Theil.*

maxime industria Clariſſ. PELLETIER patescunt est, plurima metalla, quæ vel maxime igni resistunt, salvis proprietatibus metallicis, phosphoro uniri posse (††). Quid; quod jam extra omne dubium positum est, Ferrum utique partem phosphori in ſinu fovere posse, atque eo ipſo vitium fragilitatis frigide contrahere.

Ad *carbonem* cum metallis conjungendum nondum quidem novius experimenta curate instituta eſſe: attamen ex tentationibus eorum, qui naturam diverſarum Ferri ſpeciem invigilauit, ſatis notum eſt, carbonis materiam cum Ferro coniungi posse, eidemque & majorem liquabilitatem & reliquas proprietates conciliare quibus a ferro puro diſtinguitur Ferrum ſtūm vel Chalybs.

§ V.

Metalla obſiſunt unioni cum Terris & Salibus.

Antiquissima Chemicorum regula: *ſimilia ſimilibus quadrare*, quam pro fundamento omnis compositionis nonnulli habuerunt, phænomenis liquefactionum metallicarum, ſi non ortum duxit, tamen egregie corroborata fuit. Longe enim antequam scientia formam acquireret Chemia notissimum fuit, metalla ſecum invicem liquefcendo miceri posſe, in mo eadem connubium ſulphuris non detrectare, cum corporibus vero neque metallica neque inflammabili natura dotatis vix ac ne vix quid in per ignis vim conjungi. In omnibus namque operationibus metal-

(††) *Mém. de l' Acad. de Paris 1738.*

metallurgicis, ubi & metalla & lapides uno igne liquescerent, sponte quasi sua, illa ab hisce secerni videbantur. Lapides enim fusi sub forma vitri vel scoriarum, ob specificam levitatem, superiorem partem massæ liquidæ semper occuparunt, & nihil fere cum graviore metallo cohaeserunt. Similis experientia Metallurgos dudum edocuit, neque talia cum metallis confusa arcto ligari vinculo.

Via humida quoque, a menstruis scilicet salinis, quæ liquidam formam habent ab aqua immixta, suscipi non possunt metalla, si vel subtilissime pulverata sint; modo proprietatum metallicarum, ex aliis caussis simul agentibus nulla fiat mutatio. Sed quoniam metalla omnia in aliam naturam converti possunt, quo facto, tam sicca quam humida via cum terris salibusve conjunguntur, ne per hasce solutiones decipiamur, paucis inquirere juvat, quomodo talis mutatio succedat.

§. VI.

Metalla cum aëris Vitalis basi conjungi possunt.

Ex multiplici experientia notum est aërem atmosphaericum vulgarem e duabus substantiis aëreis natura diversis compositum esse. Harum altera, quartam circiter totius partem efficiens, tam respirationi animalium, quam inflammationi corporum combustibilium inservit, atque *aëris vitalis*, vel *aëris empyrealis*, vel *aëris puri*, vel *gasis oxigenii*, & etiamnum a nonnullis *aëris depblogicati* nomine ab omnibus aliis aëris speciebus distinguitur. Altera, cuius in aëre vulgari triplo

major est quantitas, iisdem operationibus sola non convenit, sed animalia respirantia enecat, flammamque extingvit, & propterea cognomine *azotici*, *i. vitiati*, & pridem quoque *phlogisticati* appellata est. Et haec quidem corpora nonnisi tamen *aëris species* sive *gase* appellantur, quatenus fluiditate elasticā gardent: quod si vero elasticitate privata esse inventiuntur, jam *bases aëris* vocari solent, ne ambigua sit vocis *aëris significatio*. Itaque corpus quocunque sive solidum sive liquidum, quod aërem absorpsit, cum basi tantum ipsius combinatum esse dicitur, licet universam massam, omneve pondus aëris secundum conjinxerit.

Plurima metalla sufficenter calefacta, atque aëri simul contigua, & formam metallicam perdere, & pondere crescere, diu expertum fuit. Novum vero quod sic prodit corpus, quodque *calcem metallicam sive oxidum* vocant, basinaëris vitalis secum sociatam haberent, per demum extra omnem dubitationis, alcam positum est. Sed cum in dissertatione *de Theoria Calcinationis*, modo edita, phænomena, quibus haec innititur veritas, luculentiter exposita esse putemus, eadem iam repetere non vacat. Itaque sequentes tantummodo subjungimus observationes, quæ diversorum metallorum natram propriam tangunt. 1:o. Omnia metalla, quæ evidenter inflammari possunt, aërem vitalem elasticitate privare valent, & basin quoque ejusdem forma solidam secum conjungere. Nonnulla quidem tantum substantiae aëreæ absorbent, ut decima sui ponderis parte augeantur, alia 2:va, alia 4:ta inamo 3:ta sui parte increscunt.

Hac

Hæc metalla *ignobilia* appellata sunt, quia nitorem & densitatem in igne aperto servare nequeunt, sed in calcis sive oxida convertuntur. 2:o Horum nonnulla majorem aëris quantitatem ex atmosphera, in inferiore ignis gradu absorbent, quam cui in vehementiori igne retinendæ sufficiunt. Hinc evenit, quod per ignem interdum ex calce metallica extricari possit aëris vitalis, remanente tamen metallo calciformi, sed minori aëris basis quantitati juncto. Sic ex. gr. e calcibus Plumbi, & Magnesii magna aëris copia per ignem expellitur. 3:o Tria metalla, Platinum, Aurum & Argentum, quæ *nobilia* audiunt, vix ulla ignis gradu teutata formam metallicam mutant. Si vero per alias operationes, decompositis nempe corporibus basin aëris vitalis continentibus, calciformia facta sint; facile iterum sola ignis vi in integrum restituuntur, ex pullo scilicet omni aëre. 4:o Hydrargyrum medium esse censetur inter nobilia & ignobilia metallum, quod & in dato ignis gradu aërem vitalem absorbeat, totumque calcinetur, & magis deinde ignitum, missa iterum aëris substantia, pristinas recuperet proprietates metallicas.

Hinc patet omnia quidem metalla cum basi aëris vitalis societatem inire, nobilia vero ab ignobilibus in eo discrepare, quod eandem & ægrius contrahant & promptius remittant. Mirum equidem esse videtur, aëris vitalis basin unicam esse substantiam, quæ cum metallis conjuncta, metallicis proprietatibus eadem privare valet. Certe per hucusque detecta phænomena non constat eandem vim ulli alii corpori competere.

Fateri quidem oportet, aërem vitalem ex calcibus metallorum expulsum raro adeo purum haberi, quin aliquam etiam aëris azotici partem, aliasque substantias sibi immixtas contineat. Sed quamvis hæc in metallicis calcibus frépissime adesse deprehendantur, nullo tamen hucusque evictum est experimento, easdem sine aëris vitalis additamento cum metallis copulari posse: saltem nondam probabile est, metalla sic quoque calcis formam contrahere.

§. VII.

*Metalla cum basi aëris vitalis juncta propius ad natu-
ram Terrarum & Salium accedunt.*

Calces s. oxida metallorum non externa tantum forma, gravitate & cohærentia partium a metallis differunt, sed cetero etiam habitu attractionibusque instar terrarum vel salium apparent. In igne enim, sive liquefiant, sive pulveris formam servent, sive fixæ sint, sive volatiles, cum metallis tamen integris nunquam coēunt; cum salibus vero & terris liquefactis facile conjunguntur, & composita præbent vitrea. Nonnullæ quoque liquabiles reddunt terras, quæ solitariter igni resistunt, proptereaque adhiberi solent in operationibus metallurgicis atque docimasticis, ubi lapides refractarii fundendi sunt. Via humida etiam a menstruis salinis non tantum facile utplurimum solvuntur, sed salia quoque media interdum cum acidis, interdum cum alkalibus formant.

Differentibus inter se attractionibus a salibus suscipiuntur calces metallicæ, tam respectu diversorum metallorum, quam
poti-

potissimum respectu graduum calcinationis. Plurima namque metalla, licet præcipuas metalli proprietates perdant, ubi exiguam aëris vitalis quantitatem absorperint, longe tamen maiorem ejusdem copiam secum ligare valent; quo ipso longius a natura metalli recedunt. Nonnulla quidem terris insolubilibus simillima fiunt, ubi quam maxime calcinantur: alia eo usque ad naturam salium accedunt, ut ab aqua pura dissolvi queant; quin etiam omnes characteres salium simplicium acquirere videntur. Sic cum ex experimentis acutissimi SCHEELE admodum probabile esset Arsenicum summo gradu calcinatum omnes salis acidi proprietates accipere; alii postea, experimentis quoque innixi perhibuerunt, plura metalla simili operatione in acida converti posse. Fatemur quidem hanc rem nobis nondum prorsus indubiam videri. Quia enim nullum horum acidorum metallicorum sine addito acido muriatico parari potuit; fieri potest, ut acida calcium metallicarum indeoles nominisi inquinamento acidi muriatici tribuenda sit; quæ quidem suspicio inde quoque aliquam veritatis speciem habet, quod certius constet acidum muriaticum præ ceteris, maxima vi calles metallorum suscipere. Negare tamen non audemus, ex analogia salium acidorum, e corporibus inflammabilibus per absorptionem basis aëris vitalis obortorum probabilem reddi Chemicorum opinionem: quod ex metallis similiter acida generentur, atque quod causa omnis aciditatis in ipsa aëris vitalis basi querenda sit.

Utcunque vero haec comparata sint, generatim observamus, plurima phænomena evincere medium esse calcium metalli-

tallicarum naturam inter corpora inflammabilia & substantias salinas. Constat namque, longe debiliore attractionis vi a menstruis salinis simplicioribus suscipi metallicas calces, quam salia vel terras, ex quibus neutralia salia componuntur. Inde etiam est, quod salia media metallica semper fere imperfecte saturata sunt, nisi pere exigua sit, respectu calcis metallicae, salis puri quantitas. In eo autem cum ipsis metallis saepius convenient eorundem calces, quod corpora inflammabilia non metallica secum conjungere valent, atque quod variis coloribus conspicuntur. Terræ e contrario omnes atque salia, in quibus nihil metallici aut inflammabilis latet, vel alba sunt, vel nullo colore conspicua, si pellucida fuerint: ubi vero a liquefando cum calcibus metallicis conjunguntur, aut via humida easdem dissolvunt, colores ut plurimum exhibent, & pro diversitate metalli & pro calcinationis gradu variantes.

